

ÁKVÖRÐUN FRAMKVÆMDASTJÓRNARINNAR

2006/EES/30/27

frá 10. nóvember 2003

um tímabundna markaðssetningu tiltekins sáðkorns af tegundinni *Vicia faba* L. sem uppfyllir ekki kröfur tilskipunar ráðsins 66/401/EBE (*)

(tilkynnt með númeri C(2003) 4113)

(2003/795/EB)

FRAMKVÆMDASTJÓRN EVRÓPUBANDALAGANNA HEFUR,

með hliðsjón af stofnsáttmála Evrópubandalagsins,

með hliðsjón af tilskipun ráðsins 66/401/EBE frá 14. júní 1966 um markaðssetningu fýðurjurtafræja⁽¹⁾, eins og henni var síðast breytt með tilskipun 2003/61/EB⁽²⁾, einkum 1. mgr. 17. gr.,

og að teknu tilliti til eftirfarandi:

- 1) Í Breska konungsríkinu er ekki fyrir hendi nægilegt magn fræs af vetraryrkjum hestabauna (*Vicia faba* L.) sem henta veðurskilyrðum þar og fullnægja kröfum um spírunarhæfni samkvæmt tilskipun 66/401/EBE og þar af leiðandi er ekki hægt að fullnægja þörfum þess aðildarríkis.
- 2) Ekki er unnt að anna þessari eftirspurn svo vel sé með fræi þessarar tegundar frá öðrum aðildarríkjum eða þriðju löndum, sem stenst allar kröfur sem mælt er fyrir um í tilskipun 66/401/EBE.
- 3) Því ber að veita Breska konungsríkinu heimild til að setja á markað fræ þessarar tegundar með vægari kröfum á tímabili sem lýkur 30. nóvember 2003.
- 4) Þar að auki, án tillits til þess hvort fræinu er safnað í aðildarríki eða þriðja landi sem fellur undir ákvörðun ráðsins 2003/17/EB frá 16. desember 2002 um jafngildi akurskóðana sem gerðar eru í þriðju löndum í frærækt og jafngildi fræs sem framleitt er í þriðju löndum⁽³⁾, eins og henni var síðast breytt með ákvörðun 2003/403/EB⁽⁴⁾, ber að heimila öðrum aðildarríkjum, sem eru í aðstöðu til að útvega Breska konungsríkinu fræ þessarar tegundar, að markaðssetja slíkt fræ.

5) Rétt er að Breska konungsríkið sé samræmingaraðili til þess að tryggja að heildarmagn fræs, sem leyft er samkvæmt þessari ákvörðun, fari ekki yfir það hámarks-magn sem fellur undir þessa ákvörðun.

6) Ráðstafanirnar, sem kveðið er á um í þessari ákvörðun, eru í samræmi við álit fastanefndarinnar um fræ og fjölgunarefni í landbúnaði, garðyrkju og skógrækt.

SAMÞYKKT ÁKVÖRÐUN ÞESSA:

1. gr.

Markaðssetning fræs af vetraryrkjum hestabauna (*Vicia faba* L.) í Bandalaginu, sem fullnægir ekki kröfum um lágmarks-spírunarhæfni, sem mælt er fyrir um í tilskipun 66/401/EBE, skal leyfð á tímabili sem lýkur 30. nóvember 2003 í samræmi við skilyrðin sem sett eru í viðaukanum við þessa ákvörðun, samanber þó eftirfarandi skilyrði:

- a) spírunarhæfnin skal vera a.m.k. eins og sett er fram í við-aukanum við þessa ákvörðun,
- b) á opinbera merkimiðanum skal tilgreina þá spírunarhæfni sem tekin er fram í opinberri athugun sem fer fram samkvæmt d-lið C-hluta 1. mgr. 2. gr. tilskipunar 66/401/EBE,
- c) fræið skal fyrst hafa verið sett á markað í samræmi við 2. gr. þessarar ákvörðunar.

2. gr.

Allir fræsalar, sem óska eftir því að setja á markað fræ, sem um getur í 1. gr., skulu sækja um það til þess aðildarríkis þar sem þeir hafa staðfestu eða stunda innflutning.

(*) Þessi EB-gerð birtist í Stjtið. ESB L 296, 14.11.2003, bls. 32. Hennar var getið í ákvörðun sameiginlegu EES-nefndarinnar nr. 17/2004 frá 19. mars 2004 um breytingu á I. viðauka (Heilbrigði dýra og plantna) við EES-samninginn, sjá *EES-viðbæti við Stjórnartíðindi Evrópu-sambandsins* nr. 22, 29.4.2004, bls. 2.

⁽¹⁾ Stjtið. EB L 125, 11.7.1966, bls. 2309/66.

⁽²⁾ Stjtið. ESB L 165, 3.7.2003, bls. 23.

⁽³⁾ Stjtið. EB L 8, 14.1.2003, bls. 10.

⁽⁴⁾ Stjtið. ESB L 141, 7.6.2003, bls. 23.

Hlutaðeigandi aðildarríki skal heimila fræsalanum að setja fræið á markað, nema:

- a) það hafi nægar vísbendingar til að efast um að fræsalinn geti sett á markað það magn af fræi sem hann hefur sótt um leyfi fyrir eða
- b) heildarmagnið, sem er leyft að setja á markað samkvæmt viðkomandi undanþágu, fari yfir það hámarksmagn sem er tilgreint í viðaukanum.

3. gr.

Aðildarríkin skulu veita hvert öðru stjórnsýsluaðstoð við beitingu þessarar ákvörðunar.

Breska konungsríkið skal vera samræmingaraðildarríki að því er varðar 1. gr. til þess að tryggja að heildarmagnið, sem leyfið tekur til, fari ekki yfir það hámarksmagn sem er tilgreint í viðaukanum.

Öll aðildarríki, sem fá umsókn skv. 2. gr., skulu þegar í stað tilkynna samræmingaraðildarríkinu um það magn sem umsóknin tekur til. Aðildarríkið, sem samræmir aðgerðir skal þegar í stað upplýsa tilkynningarríkið um hvort leyfisveiting leiðir hugsanlega til þess að farið verði yfir hámarksmagnið.

4. gr.

Aðildarríkin skulu þegar í stað tilkynna framkvæmdastjórninni og hinum aðildarríkjunum um það magn af fræi sem þau hafa veitt markaðsleyfi fyrir samkvæmt þessari ákvörðun.

5. gr.

Ákvörðun þessari er beint til aðildarríkjanna.

Gjört í Brussel 10. nóvember 2003.

Fyrir hönd framkvæmdastjórnarinnar,
David BYRNE
framkvæmdastjóri.

VIÐAUKI

Tegund	Tegund yrkis	Hámarksmagn (tonn)	Lágmarksspírunarhæfni (% af hreinu fræi)
<i>Vicia faba</i> L.	Clipper, Target, Wizard	2 891	75